

Beassásmuitalus

Go Jesus šattai rávisolmmožin, son jođii viidát ovttas iežas máhttájeddjiiguin. Son háliidii mitalit buohkaide geaid deaivvai, lpmila birra ja olbmot galge eallit ja veahkehit guđet guoimmi. Don maid háliidat buohkaide mitalit dan birra mii du mielas lea dehálaš. Jesusis ledje ollu ustibat ja olbmot geat dorjo su ja liikojedje sutnje, go son veahkehii gefiid ja buhcciid. Muhtumat eai liikon sutnje, ja riikka jođiheaddjit balle ahte Jesus galggai oažžut menddo stuorra fámu. Sii plánejedje váldit Jesusa giddagassii.

Pálbmasotnabeaivi

Muhtin sotnabeaivvi ovdal beassážiid, dáhtui Jesus iežas máhttájeddjiid vuolgit fárrui Jerusalemii ávvudit beassážiid. Máhttájeaddjit gávdne sutnje ásená mainna Jesus beasai riidet Jerusalemii jođidettiin. Go son joavddai gávpotmuvrra siskkobeallai, de olbmot dearvvahedje ja dustejedje su dego son livččii gonagas. Su čurvo: -Hosianna, Hosianna, min gonagas lea bohtán. Hosianna lea ávvučuorvvas sullii seammá go Hurra. Muhtimat seve stuorra pálbmalasttaiguin.

Skilleduorastat

Skilleduorastat gohčoduvvo maiddái *“buhstistan duorastahkan”*. Dan áigge go Jesus elii, ledje eanaš olbmui alás juolggit dahje dušše muhtinlágan náhkkebazahusat gápmagiin. Buohkain ledje juolggit hui duolvasat go veiggodii. Dalle fertejedje bures bassat julggiid ovdal go manne tempelii dahje eará dáluide. Dán eahkeda lei Jesus bovdn máhttájeddjiid boradit suinna beassásmállása ovttas. Jesus háliidii bassat máhttájeddjiid julggiid ovdal go manne boradit, danne go son háliidii leat šiega singuin ja maiddái čájehit ahte buohkat galget veahkehit guđet guimmiid.

Sii boradedje ja suohtastalle ovttas. Jesus mitalii ahte dát lea manimus geardde sii boradit ovttas. “Dál fargga sii váldet mu gitta ja mun ferten jápmit”, logai son. Jesus diđii maid ahte okta su máhttájeddjiin, Judas ii liikon sutnje nu bures, ja ahte son áiggui dieđihit vávtaide gos gávdnet su. Judas háliidii leat albma gonagasa bálvá, muhto Jesus ii lean dakkár dábálaš gonagas gii beroštii ruđas ja fámus. Judas lei danne šiehtadan vávttain ahte son mitala gos Jesus lea, ja son oažžu dan ovddas 30 silbaruđa.

Manjá boradeami, sii manne muhtin gárdimii gos sii rohkadalle lpmilii. Judas beahttalii Jesusa ja mitalii vávtaide ahte son lei gárdimis. Jesus diđii dan birra, ja son jegolaččat čuovvulii vávttaid go dat bohte viežžat su giddagassii.

Guhkesbearjadat

Vávttat dolvo Jesusa jođiheddjiid lusa. Sii dadje ahte Jesus ferte jápmit danne go son gohčoda iežas Ipmila bárdnin. Muhto Jesus diđii dán birra. Ipmil lei visot plánen. Jesus diđii ahte son fertii jápmit danne go son fertii ránggáštuvvot buot sudduid ovddas maid olbmot ledje suddudan ja ain šadde suddudit. Sii darvvihedje Jesusa spihkáriiguin gitta russii muhtin báikkis mas lea namma Golgata. Doppe Jesus jámii. Dan áigge lei dábalaš dán láhkai goddit olbmuid geat ledje verrošan duođalaččat. Dat lei hui váivi ja stuorra moraš máhttájeddjiide ja buohkaide geat liikojedje Jesusii ja čuvvo su daguid. Muhto sii eai diehtán ahte Ipmil lei plánen stuorra suollemasvuođa, ja ahte sii eai dárbbášán moraštit guhkká.

Beassáslávvardat

Okta almmái geas lei namma Josef, liikui Jesusii. Son fálai Jesusii hávdesaji muhtin bákteleapmái. Dan háliidii son addit skeaŋkan Ipmila bárdnái. Dokko máhttájeaddjit bidje Jesusa rupmaša maŋŋá go lei jápmán. Sii gágge ja hoige vel stuorra lossa geađggi loami ovdii. Vávttat galge geahččat bearrái hávddi vai ii oktage beassan sisa váldit Jesusa rupmaša.

Vuosttaš ja nubbi beassášbeaivi

Sotnabeaivve iđida iđii engel almmis ja jorrallii eret geađggi mii lei loami ovddas. Vávttat hirmástuvve ja ballájedje go oidne engela, ja viehkaledje báhtui. Maŋŋelaš bođii Márjá Magdalena gii lei Jesusa ustit. Son imaštii manne geađgi lei sirdojuvvon, ja manai loapmái. Doppe son deaivvai engela gii muitalii: “Jesus ii leat dáppe, son eallá fas!” ” Mana muitalit buot su ustibiidda ahte sii besset oaidnit su fas.” Márjá ii šat moraštan. Jesus ii lean liikká jápmán. Son elii! Son viehkaliit muitalit ođđasa buohkaide. Álggus máhttájeaddjit illá jáhkke maid Márjá muitalii. Muhto dat lei áibbas duohta! Jesus bođii dearvvahit sin. Son lei duođaid bajásčuožžilan jápmimis.










